



SAKSFRAMLEGG

Sakshandsamar: Knut Harald Frøland	Arkivkode: FE-033
Arkivsaksnr: 21/770	Løpenr: 22/6972
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	15.09.2022	055/2022

Køyrereglar for god kommunikasjon i kommunestyre og politiske utval

15.09.2022 Kommunestyret:

Handsaming i møtet:

Monica Tjønnha (Sp) sette fram følgjande framlegg til følgjande tillegg til punkt 5 i ordføraren sitt framlegg:

"Ver raus og positiv og prøv å tolka folk i beste meining".

Med dette tillegget vart ordføraren sitt framlegg samrøystes vedteke.

KS- 055/2022 Vedtak:

Ytringsfriheita står sterkt og skal stå sterkt, men det kan like fullt vere nyttig at politikarane held seg med køyrereglar for god kommunikasjon for å styrkja at ordsiftet kan skje på ein respektfull måte. Dette kan og vere med å styrkja vedtaka ved at alle representantar tør å ta ordet, og at det kan legga til rette for at dialog og godt samarbeid kan skje på tvers av partigrenser.

Punkta under er eit grunnlag for god kommunikasjon i kommunestyret og politiske utval i Samnanger kommune:

1. Ver godt førebudd til møta.
2. Ver høfleg og bruk fint språk.
3. Ver merksam på eige kroppsspråk og tenk gjennom kva signal du sender.
4. Hels alltid når du kjem og når du går, sjølv om debattane kan vere friske.
5. Ver tydeleg og tenk gjennom om budskapet din kan bli oppfatta feil. Ver raus og positiv og prøv å tolka folk i beste meining.
6. Nytt gjerne humor, men syt for at denne vert inkluderande.
7. Gje ros og konstruktive tilbakemeldingar.
8. Fokusér på sak, ikkje person.
9. Gje ei oppleving av likeverd.
10. Hugs å trenar på å innrømme at du tok feil.

Ordførar sitt framlegg til vedtak:

Ytringsfriheita står sterkt og skal stå sterkt, men det kan like fullt vere nyttig at politikarane held seg med køyrereglar for god kommunikasjon for å styrkja at ordsiftet kan skje på ein respektfull måte. Dette kan og vere med å styrkja vedtaka ved at alle representantar tør å ta ordet, og at det kan legga

til rette for at dialog og godt samarbeid kan skje på tvers av partigrenser.

Punkta under er eit grunnlag for god kommunikasjon i kommunestyret og politiske utval i Samnanger kommune:

1. Ver godt førebudd til møta.
2. Ver høfleg og bruk fint språk.
3. Ver merksam på eige kroppsspråk og tenk gjennom kva signal du sender.
4. Hels alltid når du kjem og når du går, sjølv om debattane kan vere friske.
5. Ver tydeleg og tenk gjennom om budskapet din kan bli oppfatta feil.
6. Nytt gjerne humor, men syt for at denne vert inkluderande.
7. Gje ros og konstruktive tilbakemeldingar.
8. Fokusèr på sak, ikkje person.
9. Gje ei oppleving av likeverd.
10. Hugs å trena på å innrømme at du tok feil.

Kva saka gjeld:

I folkevaldopplæringa som vart gjennomført tidlegare i inneverande valperiode kom det opp kor viktig det er at politikarane fører god kommunikasjon i ordsiftet, og at det i den samanheng kan vere greitt å halde seg med «køyrereglar for god kommunikasjon i kommunestyret og politiske utval».

Vurderingar og konsekvensar:

Som utgangspunkt har folkevalde i ein kommune stor fridom til kva ein kan uttala seg om, dette gjeld å kunne retta kritikk mot både administrasjon og folkevalde, så lenge det er snakk om saker eller forhold som har relasjon til kommunens virke. Ytringsfriheta står sterkt og er i praksis berre avgrensa av brot på lovfesta taushetsplikt eller erstatningsansvar for ærekrenkande utsagn.

Ordførar, kommunestyret eller formannskap kan ikkje krevje at folkevalde eller andre skal avstå frå kritiske ytringar.

I politiske møter har ordførar eit særskilt ansvar på å slå ned på såkalla «uparlamentarisk språk».

Men om ikkje ordførar er oppmerksam på kva som vart sagt, har det enkelte medlem av det politiske utval eit ansvar til å gjere ordførar oppmerksam på dette. Men sjølv om ein held seg innanfor regelverket, og at ein nyttar seg av eit godkjent «parlamentarisk språk», så kan like fullt det ein kommuniserer takast ille opp av både den eller dei det gjeldt, men også andre.

Å føre eit høveleg språk betyr ikkje at ein ikkje får fram kva ein meiner om ei sak eller eit forhold, det betyr berre at ein fører ordet på ein respektfull og tillitsfull måte. At ein på talarstolen startar sitt innlegg med å rette seg til ordførar er med å byggjer opp under dette.

Kommunestyret er det øvste og viktigaste styrande organ i Samnanger kommune. At politikarane held seg med køyrereglar for god kommunikasjon kan vere med å styrkja at ordsiftet skjer på ein respektfull måte. Dette kan og vere med å styrkja prosessen fram til vedtaka blir gjort ved at alle representantar tar ordet, og at det kan legge til rette for at dialog og godt samarbeid kan skje på tvers av partigrenser. God kommunikasjon i kommunestyret kan også ha innverknad på korleis ein kommuniserer med administrasjonen, men også korleis både administrasjon og innbyggjarane kommuniserer med kvarandre.